

"EVIT SOUVERENIEZH AR POBLOÙ, NANN DA UNANIEZH EUROPA"

Kensinet o deus un toullad aozadurioù sokial, sindikadel ha politikel ar manifesto-se, a-benn kas drezañ ur gemennadenn da holl labourer.ien/ez.ed. ar c'hevandir:

Nac'hañ a reomp ensavadur politikel, armerzhel, milourel ha sevenadurel Unaniezh Europa hag a voug ar pobloù ha renkad ar vicherourien , aozet eo evit difenn ar reizhiad kevalaour, impalaerelour ha tadelour evit gounid un nebeud tre a dud.

Emaomp e kreiz ur maread ma kresk ar faskouriezh, ar ouennelouriezh, hag estrengasouriezh, ur mare merket gant un dismegañs hag ur feulster a-enep ar maouezed pe ar c'horfoù maez ar reolad, er mare-mañ e prener an harzoù, e vez distrujet ar gwirioù hiniennel ha stroll, emaomp ur c'houlzad a dalvez ez a war baouraat ar boblañs ha war zisteraat gwir al labour, ur maread fall evit an tirderioù hag al labour-douar lec'hel , ur maread a breizherezh danvezioù e-barzh hag e diavez da Unaniezh Europea, ur maread a servij evit prevesaat ha troc'hañ ar budjedoù sokial diwar urzh ar c'hevala, ur c'houlzad a redoù poblañs adalek diabarzh ha diavez Unaniezh Europa, ur maread a waskerezh evit a re a sav, a gan pe a skriv a-enep d'ar galloud-se, ur mare merket gant ar fed ma vez nac'het d'ar pobloù ar gwir d'en em dermeniñ, en ur mare m'az a war galetaat tagadennoù impalaerouriezh ar Stadoù-Unanet hag Aozadur ar Feur-emglev Norzh Atlantel.

Da lâret eo ur mare argad a-enep ar pobloù hag hollad renkad al labourerien. Gouzout a reomp n'eo ket ur blegenn ispisial hag a gemmo a-benn nebeud, ur gudenn hollek an hini eo liammet gant an ensavadur a-bezh : respont nerzhioù ha galloudoù Unaniezh Europa a-benn derc'hel da ziorren daspugnadur ar c'hevala. Ha kement-se daoust ma'z eo bet diskouezet deomp evel dremm ur raktres digor ha mousc'hoarzhus, ganet eo an Unaniezh evit difenn ha mirout interestoù pennoù bras Europa.

Setu perak e sonj deomp n'hall ket bezañ adreizhet hag azasaet an ensavadur diouzh c'hoantoù hag interestoù ar pobloù hag ar renkadoù pobl. Ensavadurioù nann demokratel eo an Troïka, Kengor Europa, Aozadur Feur-Emglev Norzh Atlantel, EUROPOL ha kement zo tout, un ostilh arvevadek ha dieffedus eo Parlamant Europa, e servij begennoù uhel ar c'hevala ha galloud an embregerezhioù liesvroadel. Kement politikerezh daizelat a dremeno dre ret dre zisaverezh Unaniezh Europa hag un ur sevel ur skouer politikel embarzhus a vije gouest da vont pelloc'h eget an egor douaroniel a vremañ , ha diazezet war ar c'hengred ha souvereniezh ar pobloù.

Setu perak e c'halv an holl aozadurioù o deus sinet ar galv-se da greñvaat ar c'henskoazell etrebroadelour ha da gregiñ asambles da brederiañ diwar-benn un dibab gwirion all evit hini Unaniezh Europa, evit servij ar pobloù ha renkad al labourerien.